

中國黑幕大觀續集卷上

政界之黑幕

●民國兩現大皇帝

皇帝不足奇。民國而出現皇帝則奇。既號民國。自不容更有皇帝。乃皇帝怪物。偏偏出現於民國。一之爲甚。乃偏偏出現至兩次。第一次居然是新主開基。士民紛紛上書。羣帥紛紛擁戴。茶樓酒館。所談無非勸進之言。街議巷談。所聞盡是頌聖之語。猛一瞧時。居然是天與人歸。第二次居然是舊君復辟。人心懷舊。天意中興。倒也說得堂皇正大。乃開基之新主。祇做袁項城誠近世第一怪傑。醇邸攝政。首被擯斥。隱居涇水。貌爲嘯傲烟霞。無復出山之望。實則暗結老慶



政三

(士諤)

得八十一日的太祖帝。復辟之舊君。中興事業。轟轟烈烈。首尾又祇七天。黑霧騰天。黑烟漫地。喪君得君。出爾反爾。政體之變更。竟同兒戲。政治界黑幕。此爲最矣。六年來政雲擾攘。使金融恐慌。民生凋敝。悉由於此。嘆嘆。

●罪己詔之用意

密探朝政。無時無刻。不作奮翮凌雲之想。辛亥再召。故事謙讓。逮時機一至。投袂進京。排載禮而去之。易如發蒙振落。當其第一次陛見時。卽以殺民黨氣焰爲名。請頒罪己詔。宣示天下。詔中皆攝政王引咎語。不啻自陳罪狀。自畫供招。淺識者謂袁挾復仇主義。報昔年罷斥之恥。不知欲去其人。須加之罪。欲加之罪。須先有辭。項城之深意。固非淺識者所能妄測也。

●新南北和劇之第一幕

項城被任爲總理大臣。帝室親貴。怒遭罷免。清廷固以項城爲周召桓文也。不意項城別存妙用。一面遣將攻下漢陽。以威民軍。一面以民軍聲勢。威嚇清室。宮中內侍。多隱受意旨。日在隆裕后前。誇說革軍如何強盛。如何要求。隆裕后終日以淚洗面。召見袁時。輒曰。吾母子性命。懸在卿手。袁則指天誓曰。以死自誓。眞若可信。未幾而羣帥電請清帝退位之奏至。清廷不知所措。問計於袁。袁曰。軍心盡變。微臣力盡。惟有派使南下。與革軍議和耳。於是特命唐全權南下議和。當是時北洋軍全權。悉在項城掌中。所謂要如何便如何也。乃偏作此無可如何之舉。聰明人作事。眞令人不可猜測。

●新南北和劇之第二幕

唐全權南下議和。卿有秘密使命。推袁爲總統。國體卽主張民主共和。袁不爲總統。國體卽主張虛君共和。蓋斯時袁被清帝任命。爲內閣總理大臣。大權在握。主張虛君。固不啻身爲君主也。唐全權本此宗旨。與五代表交涉。纔有眉目。而南京政府。忽然成立。孫中山被推爲臨時大總統。項城大失所望。於是盡翻前議。罷去唐全權。自任交涉之事。電報往還。更番駁詰。雙方幾致決裂。迨孫中山知難而退。宣言自願遜

位總統。而清帝始下詔歸政。而新南北和好戲始終幕。

●頭本新審刺客

項城就任總統。組織內閣。凡外交陸軍海軍內務財政交通各要部。悉以心腹人佔住。惟剩司法農林教育工商等閒曹冷部。支配國民黨人。爲應酬之舉。厚植勢力。其志固不小也。不意國民黨中。偏有聰明伶俐之宋教仁。猜透公路意志。武力不敵。竟欲以柔術勝人。主張政黨內閣。到處開會演說。指斥執政。隱然成了一個歐美在野黨。項城雄才大略。知此子不除。火車北上。方欲上車。突被刺客開槍擊中腰部。越再日逝世。黨衆大憤。竭力搜索。不兩日而凶手弋獲。凶手名武士英。根究情由。纔知國務總理趙秉鈞。受袁意旨。令秘書長洪述祖轉命應桂馨僱武行刺者也。時於應宅搜得京滬電商證據數十通。當時由蘇都督程德全。蘇民政長應德闕。署名鈐印。留爲鐵證。滬



正式選舉。定遭失敗。先令門客說士。組一共和黨。與之相抗。而勢終不敵。於是磨刀霍霍而殺機遂決。天以磊落光明之政敵。竟以卑劣手段。刪除異己。項城固雄才。抑何浪用其才也。

●二本新審刺客

二年三月二十日。前農林總長宋教仁。擬由上海搭

檢察所依法傳趙秉鈞到案質訊。而趙卒遷延不至。應於武被獲時。早聞風遁往青島。於是此案終以人證未齊。無從定案。查此案關涉者。總統袁世凱。總理趙秉鈞。內閣秘書長洪述祖。誠民國開國以來第一大案。亦政治界第一黑幕也。

●三本新審刺客

宋案發生後。大審刺客數次。終以人證未齊。案懸未結。未幾而二次革命起。正紛擾時。應桂馨乘火車北上。途中被刺身死。趙秉鈞出任直隸都督。又猝病死。或曰有人鳩之也。武士英又斃於獄。於是此案關係人。祇剩袁項城洪述祖二人矣。當宋被刺後一日。滬甯鐵路醫院。忽得一奇怪之信件。其文曰。

鈍初（宋之字）先生足下。鄙人自湘而漢而滬。一路歡送某君赴黃泉國大統領任。昨夜正欲與某君握別。贈以衛生丸數粒。以作記念。不意誤贈與君。實在對不起了。雖然君從此亦得享千古之幸福了。因某君尚未赴新任。本會同人昨夜曾以鉅金運動選舉。選舉結果。則君最占優勝。每票全額五千元。故同人等請君先行代理黃泉國大統領。俟某君到任後。自當推舉你任總理。肅此恭祝榮禧。並頌千古。鐵國協會代表鐵民啓。

原投函者初意。無非欲亂人耳目。不知草蛇灰線。反使人有跡可尋。拙劣哉黑幕中人物。

●洪述祖之大槍花一

洪述祖。陽湖洪北江先生曾孫也。初從劉銘傳於台灣。中法和約告成。劉遣洪詣法軍。贖回被虜兵輪。洪多所侵蝕。劉大怒。下之獄三年。既出獄。走京師。游說公卿間。會李經方奉命使英倫。洪夤緣得充隨員。軍

機大臣瞿鴻機。閱李參隨名單。及洪意不謂然。李辭洪。且語之故。洪銜瞿次骨。誓必報之時。清后眷瞿厚。承恩優渥。雖慶邸不如也。丙午元旦。慶偶以風寒在告。瞿一人入對。后忽蹙然曰。奕劻何病。財勞耳。七十老翁。家資數百萬。尙營營如此何爲者。瞿歸語其妻。其妻以語中書汪康年妻。妻歸告汪。汪又告曾廣銓。曾官某部丞。兼充倫敦太晤士報訪事。卽錄其語寄倫敦報館。會后以新使召各國公使夫人入宮賜宴。英使夫人忽詢后曰。聞貴國慶親王將退出軍機。信否。后愕然曰。那有此事。汝何從得之。答曰。太晤士報載太后嫌慶王年在且貪財。是以知之。后默思此言何至聞及外國。必瞿所洩漏。於是震怒。立召慶女四格格入告之故。令戒慶謹恪。慶子載振。私以語其幕僚。遂爲洪所得。洪狂喜。亟告侍講學士惲毓鼎。草疏劾瞿四大罪。而瞿遂開缺回藉矣。

●洪述祖之大槍花二

洪曾以知縣候補湖北漢關道岑春萱。委以漢口清丈局坐辦。以勾通洋人盜印地契。釀出交涉。鄂督張之洞擬置於法。趙鳳昌爲之發電求救。始得從寬免究。復捐候補道。至北洋候補。因私借洋款盜賣礦山。爲陳夔龍參革。共和成功。北京政府成立。又運動得充內務部秘書。頗得總長信任。旋以其私人陳以豐陶毅均位置僉事。以至惹起闔署辭職之風潮。後又僞傳趙總長之面諭。欺蒙榮次長。復從中播弄。是非以至趙榮不治。屢次小借款。及通運公司包買倉米。北京電車公司成立。均係洪之大力。二年二月大總統賞勳之典。洪得三等嘉禾章。殆以洪勞苦功高。獨著勳績。非其他各部秘書所可比擬也歟。

●失敗之太原公子

項城有子十五人。克定爲長。縱橫自喜。頗有太原公子丰度。辛亥再召。克定隨侍左右。爲之擘畫一切。克定夙重汪精衛之爲人。通問不絕。由是疏通南北意見。項城遂得爲臨時大總統。在總統任。克定代批公牘。動中肯綮。項城大爲稱許。由是克定一面懲項城稱帝。一面厚植黨羽。以固勢力。又組織模範團。爲擁護個人之計。未得化家爲國。先成破家喪身。克定蓋失敗之太原公子也。

●杜撰之災祥與讖語

乙卯秋冬間。西北各省苦蝗。京師亦有蝗至。相傳蝗至京。均自死。此乃國家之瑞。總統府樹上。現有死蝗數百頭。其實此蝗係項城命人從他處捕來。毒斃而愚人者。時城中又有一種謠言。謂前清頤和園三字。適與與乎袁三字同音。是天下將歸袁氏之兆也。街頭巷尾。無人不以此爲言。洪憲敗後。此語寂然。此中黑幕。明眼人自能知之。

●新華宮之匾額

洪憲帝既頒稱帝之令。乃亟興土木。就舊宮而修葺之。名曰新華宮。由袁乃寬經手承辦。規模極爲壯麗。所耗約三百萬金。聞皆取之中交兩行基本金。及國民義憤所成之救國儲金也。宮中匾額。均由前清某遺老一人手筆。其中有數處。不泐袁意。別命他人易之。辭多欠通。某遺老意甚怏怏。每向人訴不平。且曰。袁某到底少讀書。或告之曰。幾見古今皇帝能真讀書哉。於今上乎何尤。某遺老爲之爽然。

●御名加筆之奇談

洪憲改元。從龍羣彥。提議敬避御名之舉。有某名士創議歷代敬避御名。多用缺筆。實爲不祥之兆。今當

反減爲增。於姓名各字。各加一筆或數筆。擬加袁爲園。世爲世。凱爲凱。項城大悅。後以袁朝大臣反對者多。乃不果行。故此項新字。遂未發表。或曰。此卽袁世凱不成事之預兆也。

●疑雨集詩

蔡松波起師護國。北軍屢北。不得已。取消帝制。而東南各團體。及以個人名義。上書勸退者。日必百數十起。袁頗厭之。下令曰。凡勸退文件。均出於個人私意。不足代表全國輿論。以後均不准呈閱。未幾。總統府忽接得一函。不知所自來。啓而視之。則小楷錄疑雨集中詩一首曰。獐鬚健僕遞郵筒。喚叫何如此醉翁。學得無愁天子法。戰書雖急不開封。某武夫讀之。不解其意。怒曰。此人輕蔑總統。定欲懲辦。卽持函白袁。袁笑曰。天子本不欲開封。誰教汝開封也。寢其事不問。

●關門做皇帝

洪憲改元。易總統府爲新華宮。一時從龍諸彥。均得公侯封號。取消副總統名號。勅封之爲武義親王。並隆天子友匹夫之禮。曠千古未有之洪恩。特勅嵩山四友。毋得稱臣。對於國內。裝模作樣。居然是個開基帝主。不意不做美的日本公使日置益氏。偏偏不先不後。於帝制頒布後。親至外交部。面遞政府公文。要求袁政府三日內爲誠意滿足之答覆。未幾。五國又繼續來文警告。帝制大受打擊。但皇帝已經登基。未便就此下場。後奈何。就師關門做皇帝故智。對於國內。一切條教號令。儘管是金音玉語。一派皇帝口吻。對於國外。心平氣和。依然是民國總統。非驢非馬。不帝不民。此之謂政治界中之四不象相。

●四面光之獨立

洪憲改元。各省紛然獨立。獨浙江將軍朱瑞。態度不明。且特電項城請兵。於是有第十師第十二師入浙之舉。輿論騷然。軍界乃首先發難。朱將軍知事不妙。三十六著。走爲上著。抱頭鼠竄而去。巡按使屈映光。出任軍務。主持一切。在表面上看來。浙江居然也獨立了。不知屈使一面以獨立敷衍軍民。一面却暗電中中。大獻殷勤。四月十四日。項城發令嘉許。有該使才堪應變。識略冠時。全浙安然。功在國家等語。並加屈將軍銜。令督理浙江軍務。此令發表後。人皆稱屈爲僞獨立。屈於此時。一面發電勸袁退位。浙軍官又以身家擔保屈爲都督。屈又突命拿捕革命要人夏次巖而槍斃之。出爾反爾。四面光鮮。然作僞心勞日拙。卒被迫令辭職而罷。

●政幕中之新色樣

政治界黑幕。不外吹牛拍馬利誘威逼種種技倆。此四者盡之。種種罪惡。亦惟此四者釀成之。不意自民國開國以來。政治界黑幕中。偏又添出新奇色樣。一曰陰謀。一曰暗殺。如總統之忽然稱做皇帝。浙江之忽然僞號獨立。此均屬於陰謀者。宋教仁之被刺於上海。桂滇代表之被刺於海珠。此均屬於暗殺者。人心愈變愈險。國勢愈變愈弱。釀得百花成蜜後。爲誰辛苦爲誰甜。試放眼國外。一睹强者之磨刀伺我。當亦憬然悟矣。

●海珠會議之暗殺彈

洪憲改元。廣西宣言獨立。卽致哀的美敦書於廣東。時粵省民軍密布。朝夕待舉。民黨何海鳴等。聯合舊有軍隊。先於潮汕要地。高舉獨立旗。粵民躍躍謀內應。廣西護國軍。又壓入粵境。獨立於欽廉。民黨領袖

陳炯明等又圖占領惠州。黨衆密布。處處待機爆發。袁朝郡王龍濟光等。時危勢迫。逼處四面楚歌中。無可如何。遂於四月六日。與巡按使張鳴岐宣告獨立。此種獨立。非出本心。原可名之強奸的獨立也。十二日。廣東軍警約同廣西代表湯覺頓等。在海珠會議。兩省聯合事宜。不意顏啓漢主謀。開槍刺殺湯氏。王廣齡譚學夔均被難。尊俎間忽起干戈。護國英雄。頓遭畢命。吾於此竟無閒淚哭之矣。

一部新約法

臨時約法。爲民國之靈魂。項城雄才大略。覺約法束縛過甚。不克施展所長。於是決意更張。令政治會議。議決舉行約法會議。以爲造法機關。旋經各省長官。稟承政府命令。就所指定之人中。如法選出。後遂以三月十八日。在前參議院舊址。行開會式。費時四十餘日。經提案審查討論表決之形式。一部新約法。居然成立。五月一日。袁乃以皇皇命令。公布施行。從此之後。袁即實行獨裁政治。廢止國務院。別立政事堂。設國務卿一人。禦承大總統辦理國務。司馬昭之心。路人皆知。而復日以盡忠民國爲言。由今思昔。亦何必多此一番忙碌也。

機關之私賣燈吃

民國百政。惟禁烟一政。成效最著。省恒總警廳長某。官僚中新派人物也。素有能名。自任警廳長後。雷厲風行。辦理烟禁。不遺餘力。各烟戶畏之如虎。無不竄而之他。隱君子到此。均有行不得哥哥之嘆。某紳隱君子也。因事到省。癡發涕泗橫流。尋其至友某。稱救命友。大驚問所以。紳述所苦。友曰。此易事。君但要不开口。我引君至一處。儘飽吸也。紳大喜。隨友至一處。牆高屋峻。聲勢極煊赫。及門。紳驚問。此非某機關後

門耶。友急止之曰。囑君勿聲。何背約。紳乃不語。及入。几榻均紅木製。烟具精良。僕人伺應極周到。烟味醇馥。遠非市品可比。吸畢。友人給以銀幣五枚。而某警廳長亦昂然入。登榻呼煙矣。紳大詫。既出。窮詰不已。友曰。告君勿聲。必欲根究。恐於君有不利也。紳遂不敢語。諺云。私鹽越禁越好賣。吾於此事。不禁感慨之矣。

●理財之妙訣

項城當國。以借款爲救急之唯一方法。五國大借款。並未提交國會討論。卽行簽約。未幾。大借款用罄。又有幾多之小借款。合計大小借款。不下二萬萬。及至歐戰起後。知外債已不足恃。於是變計搜括國內脂膏。八月三日。特公布民國三年內國公債條例。定額一千六百萬元。償還期爲十二年。未幾。遂將公債券發交各省軍民長官。勒令商民認購。錢要你們出。事不要你們管。項城心目中。固何嘗有國民兩字影子也。

●馬屁拍在馬腳上

民國二年間。湖北人有裘平治者。揣摩風氣。一鳴驚人。上書請恢復帝制。項城知時機尙未至。飭令拿辦。三年一月。又有何秉忠繼續請願。經國務院嚴詞批斥。未幾。勞乃宣宋育仁等。又昌言清帝復辟。古之人三月無君。皇皇如也。此輩思古之幽情。一何深耶。其實不過以拍馬手段。爲個人利祿計耳。不意馬屁拍得未工。拍在馬腳上。竟遭袁發令嚴禁。其令文中有須知民主共和。載在約法。邪詞惑衆。厥有常刑。嗣後如有造作謠言。或著書立說。及開會集議。以紊亂國憲者。卽照內亂罪從嚴懲辦云云。周公恐懼流言日。

王莽謙恭下士時。真爲固不易測也。

●梁財神之神通一

當梁士詒罷官之初。或有弔之者。梁怡然曰。一官之得失。何足介意。極峯到沒有錢使時。必然舍不下我。及歐戰既起。外債路絕。梁財神果然重複登台。其登台之第一齣。拿手好戲。卽是三年內國公債票。演得十分賣力。項城大爲喝彩。梁感恩知己。遂打足精神。把全身本領。施展出來。如採用鐵道國有政策。將各省鐵道。收歸部轄。未幾更舉行驗契稅印花稅所得稅等。並將各省官產。由部主持。任意變賣。且明令取消地方稅名目。統由官吏徵收。創立新華銀行。發行儲蓄票。與前清之彩票無異。復令土商報効三千餘萬元。准其將烟土行銷江蘇江西廣東三省。新排好戲。連台開演。而不解事之肅政史。偏又交章彈劾。噫。何其愚也。

●梁財神之神通二

中國鐵道約二十餘線。當清季時。已成者十之六七。未成者十之三四。然已成之路。率多抵押於外人。而未成者。尙待款興築。袁項城與各國密議。借資建築。未成之路。所借之款。必浮出築路資本一倍。卽以此項餘資。供贖回已成路線之用。經手此項借款者。梁士詒也。及借款告成。一面則庀工興築。一面則使梁向比利時贖回京漢路線。計款一萬二千五百萬佛郎。而所借之金。尙多二百餘萬。悉存儲之銀行。爲公積金。利息則十之二爲辦事員之報酬。十之八爲袁與梁之利益。皆梁一手經理。梁悉數吞沒。事爲袁所知。向梁索款。梁曰。公胡需此區區物。某不過代公收藏耳。他日公果需此。我敢靳弗予哉。袁一笑而罷。及

帝制議起。梁擔任一切費用。名爲償袁夙逋。其實悉取之中交兩銀行。聖而不可知之爲神。梁號財神。眞名副其實哉。

●梁財神之神通三

洪憲取消。各省排袁之勢愈甚。勸退文電。紛紛而至。袁知大勢已去。於是取消政事堂。復稱國務院。任段祺瑞爲國務卿。段就職後。卽以閣令停止中國交通兩銀行紙幣兌現。頓時惹起全國金融界之大恐慌。擾亂至不可暨極。蓋兩銀行恃國家之保障。人民之信用。發行紙幣。漫無限止。而準備金又經財神提用殆盡。至是恐人民知其底蘊。相率兌現。故爲此先發制人之計。然則此大恐慌也。仍出大財神所惠賜矣。

●兵圍議院

各國之軍人。用以衛國者也。吾國之軍人。則別有妙用。政界要人。喜事用以迎親。喪事用以送殯。而於此二者之外。選舉競爭。又用以圍困議院。威逼議員。二年十月四日。參衆兩院合組之憲法會議。宣布大總統選舉法。六日。國會卽組織選舉會。卽以衆議院爲會場。舉行選舉。當是時。袁點將派兵。裝槍實彈。將議院圍得水洩不通。衆兵士環場大呼。聲震屋瓦。各議員多爲之股票。有人聲言今日袁氏苟不當選。議員將無噍類。此種強奸選舉。何能獲全院之一致。所以一再投票。均不滿法定投票人四分之三。不得已。就第二次得票較多者二名。舉行決選。列席人數七百零三人。袁世凱得五百零七票。當選爲正式大總統。次日行副總統之選舉。則圍兵均已退去。院外寂然矣。

●五國銀行團之大借款

項城就任。以借款爲無上理財妙策。大借款自元年春開議之後。中途以比國借款問題。倫敦克利斯浦借款問題。監督問題。用人問題。利息問題。抵押問題。迭生波折。初爲英法德四國銀行團所承攬。繼而日俄加入爲六國銀行團。又繼而美國退出。爲五國銀行團。二年四月下旬。磋商就緒。二十二日袁命國務總理趙秉鈞。外交總長陸徵祥。財政總長周學熙等代表簽字。二十四日簽草合同。二十六日簽正合同。總額爲英金二千五百萬磅。利息五釐。以鹽稅爲抵押品。南京留守黃興。以借款條件太苛。請籌辦國民政捐以自救。各省人士亦多反對借款。及正式國會成立。非難之聲益高。在尋常人處。此必手足無措。而項城則胸有成竹。早目笑存之矣。

●條約之秘密簽字

國會議員。半是書獃子。空生議論。所謂毫無實力者也。第國體既號共和。則凡增加國民擔負之事。自不得不交院議決。項城見所訂約款二十一條。如鹽稅權盡操外人掌握。聘德人爲國債局員。法人俄人爲審計顧問。英人爲鹽務稽核。種種喪失權利之點。定遭議院否認。籌躇異常。經梁士詒獻計。不交國會議決。秘密簽約。項城大喜。於是遂不由正道。渡過此重難關矣。

●殺雞嚇猴之手段

客有捕猴者。察知山中有猴穴。泊舟其下。舟中滿載糕菓。假寐以伺之。未幾。大小猴十餘。悉登舟。噉糕菓。客出不意。急划槳離岸。舟行如箭。乃出鐵索十餘條。大雄雞一。當衆猴前。以鐵索貫雞。雞稍強項。出利刃疾殺之。血淋漓。於是衆猴皆股慄。無不延頸聽命矣。項城見議員不易受羈勒。乃師猴客故智。隱令京畿

陸軍執法處率憲兵至四川參議員謝持住宅搜查。捕謝至執法處羈押。聲言謝與天津破獲之暗殺黨有關係。經參院致函詢問。始由國務院轉飭釋犯。果然議員人人自危。懼爲軍警所挾持。重要議案多遷延不能解決云。

●解散國民黨之辣手

咬文嚼字之書生。偏要以一枝秃筆。撰幾條法律。束縛馬上皇帝。憲法會議。兩院議員合組而成者也。議決大總統選舉法案。袁因此法案於己不便。特派委員八人。要求出席。法會根據法律。堅拒不允。袁於是通電各省軍民長官。痛斥政黨。徵求意見。官吏希旨。均電請解散國民黨。於是一紙令下。而軍警著手執行。而若大議會中。遂無國民黨人蹤跡矣。或曰。是策也。袁乃寬上之。

●吾家之子房

國民黨議員既被逐。國會遂以不足法定人數。不能開會。於是參衆兩院。先後提出質問書。對於政府以命令撤消議員之案。要求答覆。袁繃眉曰。此事鬧的我頭都昏了。可怎麼辦。袁乃寬獻計曰。此事極端可不必理他們。遞補議員的事。也不必舉辦。叫外省官吏來幾個電。一并解散了。就得了。袁大贊吾家之子房不置。殘餘之國會議員。遂并被解散矣。

●謂他人父

某三小姐者。北京交際社會中名花也。民國三年。忽與南中某氏子結婚。先是女父某總長。以不悉某氏子家私門第。電南中當道調查。某氏子大驚。急電某紳士曰。某在京師。蒙某總長女公子一見如故。情好

日篤終以門第之故。未能正式結婚。因念先生清華家世。素爲總長公推重。一時權宜。謬稱係先生嫡胤。不意此公過事小心。將電南中當道。爲實地調查之計。聞信惶恐。此事成否。係於吾公一言。萬懇憐憫。曲予矜全。暫認某爲親兒。某夫婦仰報大德。自當與長日俱永也。某紳性素慈悲。慨允所請。於是某氏子遂得爲總長公東床快婿。

●總長貴婿之滾蛋新法

某三小姐系出名門。風流自喜。夫婿雖然倜儻。日久未免厭生。因此閨房間時有勃谿情事。一日三小姐謂其夫曰。汝於吾身。休想濫用夫權。我似你這麼感情之人。約有六七人也。其夫笑曰。卿休誇張。我雖不才。感情如卿者。却也有三四人。夫婦目逆而笑。相對無言。越日二人又因事衝突。三小姐大聲叱其夫曰。滾蛋。滾滾滾。快給我滾。快給我滾。隔不多時。某國留學生監督出缺。某部呈請派人。某總長卽以館甥之名上薦。奉令照准。於是某氏子月受三百金之薪俸。居然某國留學生監督矣。滑稽者曰。此卽新式之滾蛋法。噫。夫婦爲人倫之首。夫婦而尙機詐。夫婦之道苦矣。

●椿樹胡同秘密賣淫案一

北京椿樹頭條橫胡同。有一秘密賣淫窟。主人名陳七奶奶。係伶人陳葵香之母。徐娘丰韻。年已三十。係新由韓家潭遷來者。陳之特別本領。不但自己賣淫。並能引誘良家婦女。替人撮合。因此政界諸巨公。無不趨之若鶩。蓋是處可以打麻雀。吸鴉片。打圍。住宿。較之八大胡同。實有天淵之判。遊者既能避去聲氣。又得舉動自由。車馬如雲。門庭若市。固無足怪。每夜行人時聞車夫相對問答。這是某部總長的車。你莫

非是某廳家人麼。崗警瞠目而視。不敢問也。十年前北京暗娼。皆在西城磚塔胡同一帶。庚子後。東城一帶。漸有暗娼踪跡。最近二三年中。則東西牌樓以北。比比皆是。若南城以外。除七十八班小班之外。向來土妓多而暗娼少。其盛行也。自陳七奶奶始。陳之所以得負盛名者。因家有三姑娘故。三姑娘係暗娼中魁首。三姑娘之豔名。所以得轟北京全城者。自相識某巨官始。

●椿樹胡同秘密賣淫案二

時在陳七奶奶家走動者。顯官田某。司法總長言某。農林總長東某。此三位大員。爲本家之叉桿子。言總長在次長時代。已與陳認識。本部衙門。有時或稱病請假。而陳七奶奶家却天天劃到。蓋承辦陳姓家事。比國家公事更勞瘁也。良家子魏大姑娘者。年方及笄。爲某客所誘。日在陳七奶奶家走動。言總長一見心動。與陳商議。遂私割某客之靴。既而又萌壟斷之念。秘密進行。娶魏大姑娘爲妾。某客酸氣薰天。誓以必報。某檢察長因事與言總長積不相能。日夜伺隙。務欲乘間捕獲。使之聲名一敗塗地。既偵知言總長將赴陳宅。卽飭司法警察前往捕拿。不意言總長因他事羈絆。未能早到。而時袁運背之東總長。竟做了姓言的替死鬼。司法警察。先派人守住前後門。鳴笛擁入。男女三十多人。悉遭拿捕。既帶到署中。免不得捏造姓名。判罰了結。

●屬員面斥上官

東總長賄免之次日。仍舊照常到部。經衆屬員當面質問。痛斥其非。永產司科員王勅。兩次上書質問。大致謂私娼聚賭被拘賄免一案。道路喧傳。鑿鑿可據。自亞細亞報首先揭載後。事閱多日。該報既無更正。